




ՄԻ ՊԱՆՈՍԵԹԱՅԻ ՍՎԵԹԻՑՆՈՎԵԼԻ ՄԱՅՐ ՏՈՎԱՐՈՒՄ ՏԵՂԻ ՈՒՆԵՑԱԾ ՀԱՆԴԻՍԱՎՈՐ ԱՐԱՐՈՂՈՒԹՅՈՒՆՆԵՐ



ՎՐԱՅ ԵԿԵՂԵՑՈՒ ՀՈԲԵԼՅԱՆԱԿԱՆ ՀԱՆԴԻՍՈՒԹՅՈՒՆՆԵՐԸ ԹԲԻԼԻՍԻՈՒՄ

Համայն Վրաստանի Կաթողիկոս Տ. Իլիա Բ-ի հրավերով և Նորին Սուրբ Օծություն Տ. Տ. Վապգեն Ա Ամենայն Հայոց Հայրապետի կարգադրությամբ սույն թվականի հուլիսի 1-ին Մայր Աթոռից մի պատվիրակություն մեկնեց Թբիլիսի՝ մասնակցելու Գեորգիկյան պայմանագրի 200-ամյակին և Վրացական Ուղղափառ Եկեղեցու կաթողիկոսական Աթոռի ինքնագլխության 1500-ամյակին նվիրված հոբելյանական հանդիսություններին:

Հայ Եկեղեցու պատվիրակությունը բաղկացած էր՝ Մայր Տաճարի լուսարարապետ և Գերագույն Հոգևոր Խորհրդի անդամ Տ. Հուսիկ արքեպ. Սանթրոյանից, Վրաստանի հայոց թեմի առաջնորդ Տ. Գևորգ եպ. Սերայդարյանից և Մայր Աթոռի միաբան Տ. Մոմիկ վրդ. Սարգսյանից:

Ս. Էջմիածնից Վրաստան ժամանած հայ պատգամավորներին դիմավորեցին Վրաց Եկեղեցու մի խումբ հոգևորականներ՝ գլխավորությամբ Սուխումիի և Աբխազիայի Տ. Դավիթ միտրոպոլիտի, և Վրաստանի հայոց թեմից Տ. Դավիթ քնն. Ջելվելանը:

Հայ և վրացի հոգևոր հայրերը առաջնորդվեցին Թբիլիսիի հայոց Ս. Գևորգ Մայր եկեղեցի, ուր դիմավորվեցին Վրաստանի հայ հոգևորականների կողմից՝ թեմակալ առաջնորդ սրբապանի գլխավորությամբ: Ապա «Հրաշափառ» շարականի հնչյունների ներքո հոգևոր հայրերը մուտք գործեցին եկեղեցի, ուր տեղի ունեցավ «ժամանման աղոթք» և արտասանվեց «Հայր մեր»-ը հայերեն և

վրացերեն լեզուներով: Այստեղ Վրաստանի հայոց թեմակալ առաջնորդ Տ. Գևորգ եպիսկոպոսը ողջունեց և բարի գալուստ մաղթեց Ս. Էջմիածնից ժամանած հյուրերին:

Համայն Վրաստանի Կաթողիկոսի անունից հյուր պատգամավորներին ուղղված ողջույնի և բարիգալստյան սրտագին խոսք ասաց նաև Տ. Դավիթ միտրոպոլիտը:

Այնուհետև հյուրերը առաջնորդվեցին «Մետեխի» առանձնատուն-հյուրանոցը:

Հուլիսի 2-ին, շաբաթ օրը, առավոտյան ժամը 11-ին, Թբիլիսիի Շախմատի պալատում տեղի ունեցավ հոբելյանական նիստ, որին ներկա եղան Հայ Եկեղեցու պատգամավորները: Նիստին ներկա էին նաև հոբելյանական հանդիսություններին հրավիրված Կիևի և Գալիցիայի միտրոպոլիտ և Ուկրաինայի եպարխ Տ. Ֆիլարետը ի գլուխ Ռուս Եկեղեցու պատգամավորության, Անտիոքի և Բուլղարիայի պատրիարքական Աթոռների, զանազան քույր եկեղեցիների ներկայացուցիչներ և այլ հրավիրյալներ:

Նիստին ներկա էր նաև ՍՍՀՄ Մինիստրների խորհրդին առընթեր կրոնական գործերի խորհրդի նախագահի տեղակալ Գենրիխ Միխայլովը:

Նիստը բաց արեց Նորին Սրբություն Իլիա Բ Կաթողիկոսը, որից հետո Սուխումիի և Աբխազիայի միտրոպոլիտ Տ. Դավիթը հանդես եկավ Գեորգիկյան պայմանագրի 200-ամյակին նվիրված զեկուցումով:

Վրաց Ուղղափառ Եկեղեցու ինքնագլխու-



թյան 1500-ամյակի առթիվ մի ընդարձակ պեկուցում կարդաց նաև Ուրբինսկու միտրոպոլիտ Ս. Կոստանտինը: Երկու պեկուցումներն էլ լավեցին մեծ հետաքրքրությամբ:

Նույն օրը, երեկոյան ժամը 18-ին, Ս. Սին պատրիարքական Մայր Տաճարում տեղի ունեցավ հսկման արարողություն, որին ներկա եղան բոլոր հրավիրյալները:

Հետևյալ օրը, կիրակի, հուլիսի 3-ին, առավոտյան ժամը 10-ին, հանդիսավոր սուրբ պատարագ մատուցվեց Մցխեթայի պատրիարքական Սվեթիցխովելի Մայր Տաճարում: Պատարագեց Նորին Սրբություն Ս. Իլիա Բ Կաթողիկոսը: Պատարագի վերջում, Ս. Իլիա Բ Կաթողիկոսի քարուպից հետո, եկեղեցու բնակից քույր Եկեղեցիների ներկայացուցիչները հաջորդաբար ընթերցեցին իրենց հոգևոր պետերի ուղարկած ողջույնի ուղերձները: Հայ Եկեղեցու անունից Ս. Հուսիկ արքեպ. Սանթրոյանը կարդաց Ամենայն Հայոց Կաթողիկոս Վազգեն Ա-ի խոսքը, որի ռուսերեն թարգմանությունը կատարեց Ս. Գեվորգ եպիսկոպոս Սերայդարյանը (Հայոց Հայրապետի խոսքը տես «Էջմիածին» ամսագրի սույն համարում էջ 3):

Այնուհետև, հանդիսավոր իրադրության մեջ, Վրաց Կաթողիկոսին հանձնվեց Հայոց Հայրապետի ուղարկած նվերը՝ արծաթյա սկիի և ոսկյա հուշամեդալ Ս. Ս. Վազգեն Ա Կաթողիկոսի դիմանկարով:

Նույն օրը, ժամը 20-ին, Վրաց Ուղղափառ Եկեղեցու կողմից տրվեց պաշտոնական ճաշկերույթ «Արագվի» ռեստորանում: Նորին Սրբություն Ս. Իլիա Բ Կաթողիկոսի ողջույնի խոսքից հետո, հանուն Հայ Եկեղեցու և Մայր Աթոռ Ս. Էջմիածնի, ողջույնի խոսքով հանդես եկավ Ս. Հուսիկ արքեպ. Սանթրոյանը, որը Ամենայն Հայոց Կաթողիկոսի ողջույնն ու շնորհավորանքը փոխանցելուց հետո, ի մասնավորի ասաց.

«Պատմական խոր արմատներ ունի Հայ և Վրաց Եկեղեցիների ու ժողովուրդների դարավոր բարեկամությունը, որը երբեք չի թուլացել և չի խախտվել փորձություններով և երկարատև մեր պատմության ընթացքում: Այդ բարեկամությունը առավել սերտացավ և ամրապնդվեց հատկապես վերջին երկու դարերի ընթացքում՝ սկսած այն շրջանից, երբ մեր երկու ժողովուրդները ապաստարանեցին պարսկական դաժան տիրապետությունից ռուս քրիստոնյա և քաջարի ժողովրդի եղբայրական աջակցությամբ...»:

Հուլիսի 4-ին, երկուշաբթի օրը, առավոտյան ժամը 11-ին, տեղի ունեցավ ընդունելություն Վրացական ՍՍՀ Գերագույն սովետի նախագահությունում: Վրաց Կաթողիկոս Նո-

րին Սրբություն Իլիա Բ-ի գլխավորությամբ պատգամավորներին ընդունեց Վրացական ՍՍՀ Գերագույն սովետի նախագահության նախագահ մեծարգո արև. Գիլաշվիլին:

Այստեղ նույնպես, ի թիվս այլ պատգամավորների, խոսք առավ Ս. Հուսիկ արքեպիսկոպոսը՝ ողջունելով մեծախարզ նախագահին Ամենայն Հայոց Կաթողիկոսի անունից:

Ժամը 18-ին Ս. Իլիա Բ Պատրիարք-Կաթողիկոսը իր վեհարանում ընդունեց Հայ Եկեղեցու պատվիրակության անդամներին: Վրաց Կաթողիկոսի և հայ հոգևորականների միջև տեղի ունեցավ սրտագին ջերմ կրոնց, ապա նվերների փոխանակում:

Հուլիսի 5-ին, երեքշաբթի օրը, առավոտյան ժամը 10-ին, Հայ Եկեղեցու պատվիրակության անդամներն այցելեցին Թբիլիսիի Ս. Էջմիածնի եկեղեցին, ուր տեղի ունեցավ աղոթք և օրհնություն: Ապա հայ պատգամավորները, վրացի հոգևորականների ուղեկցությամբ, մեկնեցին «Մոջի վանքի» հայ մշակույթի գործիչների պանթեոնը, ուր Րաֆֆու գերեզմանի շուրջ թաղված հանգչում են անվանի հայ մտավորականների, գրողների, դերասանների, նկարիչների, երգահանների ու երգիչների աճյունները:

Այստեղ Հայ Եկեղեցու հոգևոր հայրերը, վրացի հոգևորականների հետ, կատարեցին համատեղ աղոթք և հոգեհանգիստ հայ մշակույթի երախտավորների հիշատակին:

Նույն օրը, ժամը 20-ին, «Մթացմիկո» ռեստորանում Վրաց Ուղղափառ Եկեղեցին, ի պատիվ հանդիսություններին ժամանած հյուրերի, տվեց հրաժեշտի ճաշկերույթ, որի ընթացքում ճառով հանդես եկավ Ս. Գևորգ եպ. Սերայդարյանը: Սրբապան հայրը շնորհակալություն հայտնեց ցուցաբերված ուշադրության և հարգալից հյուրամեծարության համար, ապա ոգեկոչեց կույզ հորեպանների հիշատակը՝ բաժակ բարձրացնելով Նորին Սրբություն Ս. Իլիա Բ Կաթողիկոս-Պատրիարքի քաջամողության և արևշատության համար:

Հուլիսի 6-ին, չորեքշաբթի օրը, առավոտյան ժամը 11-ին, բոլոր պատգամավորները հրաժեշտ տվեցին հյուրընկալ Վրաստանին և վերադարձան իրենց երկրները:

Հայ Եկեղեցու ներկայացուցիչներին ճանապարհելու համար Վրաց Եկեղեցու հայրերը և Թբիլիսիի հայ հոգևորականաց դասը մեկնեցին մինչև «Վրասնի մոստ»՝ վրացական-ադրբեջանական սահմանը, ուր ջերմ պզգմունքներով տեղի ունեցավ եղբայրական հրաժեշտի բաժանումը՝ կրկին տեսության բարեմադրություններով:

ԳԵՎՈՐԳ ԵՊՍ. ՍԵՐԱՅԴԱՐՅԱՆ



ԱՄԵՐԻԿԱՆ ԵԿԵՆՑԱՍԵՐ ԵՐԻՏԱՍԱՐԴԱՅ ԿԱԶՄԱԿԵՐՊՈՒԹՅԱՆ ԱՆՂԱՄՆԵՐԸ Ս. ԷԶՄԻԱՇՆԻ ՎԵՐԱՄԱՆԻ ԱՅԳՈՒՄ